



BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
OPĆINSKI SUD U SARAJEVU
Br. 065-0-SU-24-000924
Sarajevo, 03.09.2024. godine

Na osnovu člana 70. Zakona o javnim nabavama (Sl. glasnik BiH“ broj 39/14, 59/22) i člana 16. Pravilnika o unutrašnjoj organizaciji i sistematizaciji Općinskog suda u Sarajevu broj: 065-0-SU-17-002702 od 09.01.2018. godine, na preporuku Komisije za javnu nabavu formirane Rješenjem broj: 065-0-SU-24-000280 od 09.02.2024. godine u otvorenom postupku javne nabave usluga: Nabava usluga tiskanja za potrebe Općinskog suda u Sarajevu, Predsjednik suda d o n o s i:

ODLUKA o izboru najpovoljnijeg ponuditelja

Član 1.

Prihvata se Preporuka Komisije za javne nabave i Okvirni sporazum u iznosu od 139.600,00 KM bez PDV-a za nabavu usluga: Nabava usluga tiskanja za potrebe Općinskog suda u Sarajevu dodjeljuje se izabranom ponuditelju „Svjetlost BH print d.o.o. Sarajevo“, a prema pristigloj ponudi br. : 15-07/24 od 15.07.2024. godine kao najbolje ocijenjenom.

Član 2.

- (1) Prijedlog Okvirnog sporazuma dostavit će se na potpis izabranom ponuditelju nakon isteka Okvirnog sporazuma koji je trenutno na snazi.
- (2) Izabrani ponuditelj je dužan dostaviti dokaze o kvalificiranosti u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabave, a u skladu sa točkom 5.1 Osobna sposobnost i 5.3 Ekonomska i finansijska tenderske dokumentacije za predmetnu nabavu.
- (3) U slučaju da izabrani ponuditelj propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici suda, www.oss.ba, istovremeno sa upućivanjem iste ponuditeljima koji su sudjelovali u postupku javne nabave, u skladu sa članom 70. stav (6) Zakona o javnim nabavama.

Obrazloženje

Postupak javne nabave pokrenut je Odlukom o pokretanju postupka javne nabave broj 065-0-SU-24-000924 od 24.05.2024. godine. Javna nabava je provedena putem Otvorenog postupka. Procijenjena vrijednost javne nabave bez PDV-a iznosi do 140.000,00 KM. Tekst otvorenog postupka učinjen je dostupnim svim zainteresiranim ponuđačima, na portalu javnih nabava www.ejn.gov.ba uz objavljeno obavještenje o nabavi pod brojem 1299-1-2-116-3-32/24 od 26.06.2024. godine.

U skladu sa Odlukom o pokretanju postupka, Komisija za provođenje postupka javne nabave formirana Rješenjem broj: 065-0-SU-24-000280 od 09.02.2024. godine je sprovela proceduru nabave, obavila javno otvaranje ponuda te načinila i dostavila Zapisnik o pregledu i ocjeni ponuda.

Zapisnik o pregledu i ocjeni ponuda broj: 065-0-SU-24-000924 od 31.07.2024. godine čini sastavni dio ove Odluke i u istom je utvrđeno sljedeće:

- da je ukupan broj pristiglih ponuda tri (3)
- da su blagovremeno zaprimljene ukupno tri (3) ponude
- da su ponude dostavljene od strane : Svjetlost BH print d.o.o. Sarajevo, Štamparija Fojnica d.d. Fojnica i Fram Ziral d.o.o. Mostar.
- da su sve zaprimljene ponude prihvatljive za ugovorni organ

- da vrijednost najniže dostavljene prihvatljive ponude (prije e-aukcije) iznosi 139.610,00 KM bez PDV-a (Štamparija Fojnica d.d. Fojnica) a najviše 139.850,00 KM bez PDV-a (Fram Ziral d.o.o. Mostar).

Komisija je utvrdila da ponude sljedećih ponuditelja: Svjetlost BH print d.o.o. Sarajevo, Štamparija Fojnica d.d. Fojnica i Fram Ziral d.o.o. Mostar ispunjavaju sve uslove za kvalifikaciju u skladu s točkom 5. Uslovi za kvalifikaciju tenderske dokumentacije za predmetnu nabavu i ostale uslove propisane od strane Ugovornog organa. Isti ponuditelji su pozvani da sudjeluju u e-aukciji čije je provođenje predviđeno tenderskom dokumentacijom za predmetnu nabavu i koja je zakazana s datumom održavanja na dan 31.07.2024. godine s početkom 12:00 sati. U skladu s Izvještajem o toku i završetku e-aukcije ista je trajala ukupno 10 minuta (e-aukcija je završena u 12:10 sati).

Uzimajući u obzir da je komisija u cijelosti pravilno postupila i da je izbor najpovoljnijeg ponuditelja izvršen u skladu sa Zakonom o javnim nabavama, podzakonskim aktima i tenderskoj dokumentaciji u cijelosti se prihvaća Zapisnik o pregledu i ocjeni ponuda od 31.07.2024. godine.

Tabelarni pregled pristiglih ponuda – rang lista prihvatljivih ponuditelja za nabavu usluga tiskanja, za potrebe Općinskog suda u Sarajevu nakon održane **e-aukcije** glasi:

R.B.	Naziv ponuditelja	Vrijednost ponude KM bez PDV-a
1.	Svjetlost BH print d.o.o. Sarajevo	139.600,00 KM
2.	Štamparija Fojnica d.d. Fojnica	139.610,00 KM
3.	Fram Ziral d.o.o. Mostar	139.850,00 KM

U skladu sa kriterijem najniža cijena tehnički prihvatljive ponude, Okvirni sporazum za nabavu usluga: tiskanja za potrebe Općinskog suda u Sarajevu dodjeljuje se ponuditelju „Svjetlost BH print d.o.o. Sarajevo“ na period **od 12 mjeseci**, u iznosu od 139.600,00 KM bez pdv-a.

PRAVNA POUKA

Svaki ponuditelj koji ima legitimni interes u predmetnom postupku javne nabave, a koji smatra da je ugovorni organ u toku postupka prekršio jednu ili više odredbi Zakona o javnim nabavama ima pravo priložiti žalbu u pisanoj formi u roku od 10 (deset) dana od dana prijema ove odluke u skladu sa članom 99. i 101. Zakona.

Prilog:

1. - Zapisnik o pregledu i ocjeni ponuda broj: 065-0-SU-24-000924 od 31.07.2024. godine

Dostaviti:

1. Svim učesnicima u postupku
2. Komisija za javne nabave
3. Služba računovodstva
4. a/a

PREDSJEDNIK SUDA

Damir Batotić